

16. **L. Græca**, radice verticali bienni?, caule a parte inferiori dichotome et divaricatim ramosissimo glabro, foliis glaucis subtus crispule puberulis radicalibus in petiolum basi dilatatum abeuntibus obovatis sublyratis vel pinnatipartitis laciniis late linearibus denticulatis, caulinis paucis minutis linearibus basi auriculatis, capitulis terminalibus longe pedunculatis cylindricis elongatis, involucri glabri phyllis obtusis ab infimis ovatis ad superiora late linearia auctis, flosculis cæruleis, acheniis rufescentibus elliptico-linearibus immarginatis apice breviter acutatis utrâque facie obsolete trinerviis in rostrum album eis æquilongum abeuntibus sub lente rugulosis, pappo albo ♀.

Hab. in regione alpinâ superiori Parnassi ad Mavrolithari (Guicc!), in regione sylvaticâ et glareosis torrentium Olympi Thessali ad Hagios Dionysios 5000'-6800' (Heldr!, Orph. Fl. Gr. exs. 766 sub *L. intricatâ*).

Valde affinis *L. intricatæ* pro quâ eam habui, differre tamen videtur caulibus vetustis non persistentibus, acheniis majoribus præsertim latioribus et minus acutis non marginatis, subtrinerviis nec uninerviis. Planta insuper elatior sesquipedalis, foliorum laciniæ latiores obtusiores denticulatæ.

17. **L. polyclada** (Boiss. Diagn. Ser. I, 7, p. 10) cæσιο-glaucescens glabra vel minute et parce glandulosa, caudiculis nudis repentibus, foliis rosulatis carnosulis subsessilibus ovatis denticulatis interdum ob lobulos binos laterales minimos sublyratis, caule crasso humili a basi divaricatim ramosissimo ramisque fructiferis valde elongatis et incrassatis rigidis spongiosis dumum intricatum formantibus, foliis caulinis ad dichotomias squamiformibus minimis, capitulis ovatis parvis terminalibus solitariis breviter pedunculatis, involucri glabri phyllis imbricatis oblongo-lanceolatis tandem subpatentibus, flosculis cæruleis, acheniis brunneis ellipticis obtuse subinflato-marginatis compressis utrâque facie elevatim subuninerviis acutiusculis rostro concolore dimidio brevioribus superatis, pappo albo ♀.

Hab. in glareosis montis Kuh Daëna Persiæ austro-occid. (Ky. 603! et 662!).

Planta singularis foliis 1½-2-pollices longis, caule florifero 2-4-pollicari sed fructifero semipedali ramosissimo intricato dumoso ramis incrassatis teretibus sesquilineam latis, capitula magn. *L. virosæ* sed breviora.

18. **L. glareosa** (Schott et Ky. in Ky. exs. 1853) glaberrima glauca, radice verticali tenui brevi, caule brevi ad basin caudiculosam præter 1-2-vaginas foliorum emortuorum nudo semel vel bis dichotomo 2-5-cephalo, foliis inferioribus confertis petiolo elongato basi vaginanti suffultis cordato-orbiculatis vel ovatis acute spinuloso-denticulatis sæpius ob segmenta bina minutissima ovata lateralia lyratis, foliis caulinis ad dichotomias 1-2 minimis a basi auriculatâ lanceolato-linearibus, pedunculis monocephalis folia vix superantibus, capitulis conico-cylindricis, involucri glabri phyllis paucis imbricatis obtusis, flosculis cæruleis, acheniis ♀.

Hab. inter fragmenta lapidum in cacumine Koschan Harpalik Tauri Cilicici 8000'-9000' (Ky. 126!), supra Bulghar Maaden (Bal!).